

Ер есімі – ел есінде

Ғаббас Жұмабаев атындағы Боровской мектеп-гимназиясында ұлағатты
ұстаз Қапар Нұрабаев атындағы сынып ашылды

Қарашаның 7-ші
жұлдызында ау-
дан орталығында
орналасқан Ғаббас
Жұмабаев атындағы
Боровской мектеп-
гимназиясының
төрінде ұлағатты
ұстаз Қапар
Жұмасұлтанұлының
атындағы сыныптың
ашылу рәсімі өтті.

Саатанатты жиынға Қапар
Нұрабаевтың жұбайы, бала-
лары, ет жақындары мен бірге
қызмет жасаған әріптестері
жиналды. Ұлағатты ұстаздың
есімі берілген география
кабинетінің лентасын кино
аудандық білім беру бөлімінің
басшысы Гүлдана Ахметова
мен Қапар ағайымыздың
жары Зауре Нұрышқызына
табысталды.



Лентаны кино рәсімі аудандық білім беру бөлімінің басшысы Гүлдана Ахметова мен Қапар ағайымыздың жары Зауре Нұрышқызына берілді



Ұлағатты ұстаздың есімі оқушылар есінде
мәңгі сақталады

-Білім беру саласында өзіндік сара жолын салып кеткен, таланты мен талабы қатар ұштасқан ардақты ұстазымыз Қапар Жұмасұлтанұлы мәңгі біздің есімізде болмақ. Бүгінгі күн география пәнімен қанатын қайытқан, сол қанатынан астынан талай шәкіртті түлетіп ұшырған қадірлі ұстазымыздың есімімен аталатын сынып кабинетінің тұсауы кесілген күн. Қазақ мектебінің бой көтеруіне өзіндік үлесін қосқан ұлы тұлғамыздың есімін ұмыт қалдырмай, өскелең ұрпақ бойына дарытып, есімін жаңғыртып жүрген мектеп ұжымына алғысымыз шексіз. Ұстаз деген ардақты есімді көк тудай көтерген жанның есімі шәкірт санасында мәңгі сақталуы тиіс, - дейді аудандық білім беру бөлімінің басшысы Гүлдана Айтмағанбетқызы.

Әрбір әрекеті енегеге толы Қапар ағамыздың сабақ беру әдісі де өзгеше болған екен. Сол өзгешелік өзіне сара жолын тауып, сол жүрген жолмен жүргісі келген шәкірттері де аз болмапты. Ұстазының жолын қуып, бүгінгінің жаңашыл географ ұстазы, кешегі Қапар ағамыздың мақтан еткен шәкірті, қазақ мектебінің ең

білім беру саласындағы бірі Алматы Қиялов өмірлік ұстазы Қапар Жұмасұлтанұлына алғысы шексіз екенін жеткізді. Жиын барысында география сабағының үздік оқушылары ортаға шығып, көпшілік алдында түрлі логикалық сұрақтарға жауап беріп, өз білімдерімен бөлісті. Мектептің үздік оқушылары ұлы ұстаздың құрметіне орай өлең шумақтарын мәнерлеп оқып, жиналған жұртшылықтың көзіне ыстық жас ұлатты. Зауре апайымыздың анасы Нағима Жақыпқызы Қапар ағайымызға арнап «Елге сәлем» атты өлеңі жазған екен. Сол өлеңді тұңғыш рет Марат Кеңшілікұлының музыкалық аспаппен сүйемелеуімен Азат Серікбай мүдітсіз орындап шықты.

-Марқұм жұбайымның есімі мен жасаған еңбегін ұмыт қалдырмай, әрдайым жаңғыртып, болашақ ұрпақ бойына дарытып жүрген мектеп әкімшілігі мен ұстаздар қауымына алғысымыз шексіз. Артында ізгіліктен із қалдырып, сол жолды жалғастырып келе жатқан Алматы Мақсұтұлына алғыс айта отырып, еңбек жолына табыс тілейміз. Жұбайым

бар өмірін ұстаздық жолға арнаған жан. Еңбегі бағаланып, есімін өскелең ұрпақтың ұмыт қалдырмай, әр кез жаддарында ұстауы көңіл қуантады. Қапар ағаларының құрметіне орай ашылып отырған география кабинеті әрдайым құтты әрі береке-бітім болсын деп тілеймін. Бүгінгі шараны

ұйымдастырушы мектеп ұжымы мен өз өнерлерін көрсеткен оқушыларға өз ризашылығымды білдіремін, - дейді жары Зауре Нұрышқызы. Биылғы жылы ұлағатты ұстаздың дүниеден озғанына 20 жыл. Осы орайда Қапар ағайымыздың жары мен балалары жиналған жұртшылыққа

Зауре Нұрышқызы өз өнерлерін көрсеткен оқушыларға дән риза

ас берді. Қапар ағайымыздың жора-жолдастары, ауылдастары, бірге қызмет жасаған әріптестері жиналып, сөз сөйлеп, еріксіз жаспен еске алды. Жиын соңында Қапар Жұмасұлтанұлының жұбайы Зауре апайымыз бен балалары алғыс айту сөзін сөйлеп, мектеп ұжымына өз

сыйлықтарын табыстады. «Жақсының аты, ғалымның хаты өлмейді» демекші, Меңдіқара жерінің ұлы тұлғасы, ұлағатты ұстаз Қапар Нұрабаев жайлы жақсы естелік жүрегімізде мәңгі сақталады.

Ақжан БАЙТҰРСЫНОВА

